



IMIBUZO NEEMPENDULO NGEHLELO LEBUTHELELOMININGWANA LOKUHLABELA I-COVID-19 (I-EVDS)

1. Kumele ngenzeni nayibe sekusikhathi ngitlolisile ku-EVDS kodwana angikabi ukuthola ipendulo ukuthi ngiyokujova nini, kuphi?

Nayibe utlolisile, nakanjani sizakufika isikhathi sakho sokujo. Ibizozinininingwana yakho kuseencwadini zethu ngalokho-ke sizakuthumelela i-SMS nakuvuleka isikhala sokujo ezikweni lokujovela langekhenu. Sikhombela ubekezele; akakho namunye umuntu esizamtjhiya ngemva ehlelweni lethu lokujova boke abantu.

2. Kufuze ngilinde isikhathi esingangani ngaphambi kobana ngithole isaziso sokuthi ngiyokujova nini, kuphi?

I-SMS yesaziso esitjha sokuthi uyokujova nini kuphi kuya ngokuthi mangaki amasentha wokujova endaweni yangekhenu. Njengoba asanda nje amaziko wokujova qobe yiveke, zizokwanda iinkhathi zokwamukela abantu abayokujova, begodu lokho kuzakwenza ukuthi waziswe msinyana ukuthi uyokujova nini.

3. Ngatlolisa ku-EVDS kodwana angikatholi isaziso?

Ngemva kokutlolisa ku-EVDS kumele uthole i-SMS efakazela ukuthi sewutlolisile begodu usemjejeni wokunikelwa ilanga lokujova. Nayibe awukayitholi i-SMS le, sikhombela ubuyele ku: vaccine.enrol.health.gov.za ukuthola ubufakazi bokuthi mbala ibizo lakho lifikile, ngokufaka inomboro kamazisi wakho.

4. Ngatlolisa ngaphambi kwabanye kodwana akhange ngithole umlayezo welanga nendawo yami yokujova

I-EVDS isebenzisa imithetho efanako emuntwini woke, ekorweni yangeqadi neyembusweni. Ukunikelwa ilanga nesikhathi sokujo kuya ngokuthi mangaki amasentha wokujova endaweni yangekhenu. Kuya godu nangokuthi ukhethe sphi isikhathi, njengokuthi ekuseni namkha ngemva kwedina, phakathi kweveke namkha ngepelaveke. AbaSebenzi bezePilo bazakuhlala batjhejwaqangi, ngaleyondlela kuzokuqinisekiswa ukuthi bawusekela ngokuphepha umsebenzi wethu wokulwa ne-COVID-19. Isibonelo, nayibe uhlala endaweni lapho kunamaziko wokujova ambadlwana, uzakuthola i-SMS msinyana kunomuntu ohlala endaweni lapho kunamaziko wokujova ambalwa khona.

5. Ngirejistare nge-*medical aid*; kusese nesidingo sokobana ngirejistare ku-EVDS?

Amanye ama-*medical schemes* azakuhombela bona utlolise nehlelweni lawo kobanyana azokuthumelela ilwazi ngemininingwana yokujova. Nokho-ke nanyana kunjalo, kusezakufuneka ukuthi utlolise ku-EVDS. Le phela kuphela kwendlela yokuthola ilanga nesikhathi ongabekelwa sona ukuyokujova, kungayi ngokuthi uyokujova ezikweni lokujova lombuso namkha langeqadi namkha ukuthi unetjhorensi yezokwelatjhwa.

6. Ngine-*medical aid*; kusafuze bona ngilandele ikambiso elandelwa mumuntu wo?

I-*medical aid* yakho kufuze ilandele ikambiso elandelwa lijima lokuhlabela i-COVID-19 elizweni loke njengoba ibekwe mNyango wezePilo. Ama-*medical aid* avunyelwe ukujova abantu beminyaka yobudala ethileko kwaphela ebekwe mNyango wezePilo. I-EVDS izakubuza ukuthi une-*medical aid* na. Nakube unayo, kuzakufanela ufake ibizo layo kunye nenomboro yobulunga bakho ku-*medical aid*. Ihlelveli lizakulinga ukuthumela amalunga wama-*medical aid* emazikweni wokujoa wangeqadi (nayibe akhona endaweni leyo), kodwana kungenzeka amenyelwe ezikweni lomphakathi wo.

7. Ngitjhugulule isiphande, enziwa bunjani amatjhuguluko la ku-EVDS?

Buyela ehlelweni le-EVDS ufake imininingwana yakho emitjha. ANGEZE kube nerekhodi elizibuyelelako, ikani nawusebenzise inomboro kamazisi efanako naleyo oyisebenzise ekuthomeni. Ihlelo le-EVDS lizakusebenzisa inomboro yakho kamazisi ukwenza amatjhuguluko nokufaka imininingwana yakho emitjha. I-EVDS yenziwe ngendlela yokuthi ikghone ukwenza amatjhuguluko ifake nemininingwana emitjha ephathelene nawe.

8. Ngingaya eziko lokujova ngaphandle kwalelo enginikelwe lona?

Sikhuthaza boke labo esele bathole izaziso zokuthi bayokujova ukuthi baye emazikweni abathunyelwe kiwo. Unikelwa isiqinisekiso sokuthi uzokujovwa ngelanga, isikhathi nendawo onikelwe yona mhlokho ngoba phela nawuthunyelwa umlayezo wokuyokujova lapho, nomjovo wakho usuke sewubekelwe wona.

Njengoba sikhe sahangabezana neentjhijilo nje ngabantu abeze mathupha emazikweni wokujoa ngeveke yokuthoma yokujova, iminyango ikhonjelwa bona IWUKHAWULE lomukghwa. Lihlelwe ngokuyelela ihlelo lethu lokufikiswa komjovo ebantwini. Sithomanisa imithamo yomjovo efunekako nomthamo othunyelwako, senzelela ukuthi kuhlale kunemithamo eyaneleko yomjovo nanyana ngaliphi ilanga.

Ukuvakatjhela iziko elikhethiweko kusinikela nethuba lokuliraga kuhle ijima lethu lokujova. Lokhu-ke kusiza ngokukhandela abantu “bangabunganyeli ndawonye ngobunengi,” okuba yingozi yokuba liziko lokurhatjha ingogwana.

9. Iqunta bunjani i-EVDS ukuthi kufuze ikuthumele kiliphi iziko lokujova?

Ihlelo le-EVDS likukhethela indawo eseduze nesiphande ositlolileko sekhaya namkha sendawo osebenza kiyo. Eendaweni zemadrobheni, lizakunikela iziko lokujova elilibanga elingadluliko kumakhilomitha alitjumi ukuya ngesiphande leso, kanti-ke eendaweni zemakhaya lizakukhethela iziko lokujova elilibanga elingadluliko ema-30 wamakhilomitha ukuya ngesiphande salapho uhlala namkha usebenza khona. Isikhathi ozikhethela ukujova ngaso nawutlolisako, njengokuthi ekuseni namkha ngemva kwamadina phakathi neveke namkha ngepelaveke ngiso esilawula ukuthi uzakunikelwa liphi ilanga nesikhathi.

10. Kwenzekani-ke nangiziyelako ezikweni lokujovela ngingakabizwa?

Sikhombela bona abantu BANGATHOMI sebazingenele ezikweni lokujovela ngaphandle kokutlolisa. Ukuzingenela ezikweni lokujovela akutjho ukuthi uzase ujove khonokho ngoba sewufikile. Amaziko wokujova angasiza abantu beminyaka yobudala ema-60 nangaphezulu ukutlolisa eHlelweni leButhelelomininingwana lokuHlabela i-COVID-19 (i-EVDS). Ukuzitlolisa ntanzi ngobunzinzolwazi nokunikelwa ilanga nendawo yokujova ngiyo indlela engcono khulu yokuqinisekisa ukuthi uthola umjovakho.

11. Kwenzekani-ke nakube uphundwe lilanga ebekufuze ujove ngalo?

I-EVDS izakukhethela elinye ilanga ozakujova ngalo bese ikuthumela i-SMS ekwazisa ngelangelo. Uzakunikelwa amathuba amathathu – ilanga lokuthoma ozakunikelwa lona naMABILI amanye ngemva kwelokuthoma. Nakube akuphunda womathathu njalo amathuba onikelwe wona, kuzakufanela ufowunele iziko lemitato lesizo nge-COVID ku- 0800 029 999 ubakhombele bona bakutlolise ngobutjha. Irekhodi lakho lokutlolisa lihlala lisehlelweni kodwana ihlelwelo asoze lazi ukuthi usemalangeni wokuphumula, namkha ukuthi awukho, namkha ukuthi awuyingeni indaba yomjovo namkha awusekho emhlabeni, ngalokho-ke lilindele wena ukuthi ukhulume.

12. Ngenza njani-ke nakube anginamazisi?

UmNyango wezePilo ulungisa ihlelo elizakuvumela abantu abanganabomazisi ukuthi bajovwe nabo. Imininingwana yalelihlelo-ke izakumenyenzelwa ngesikhathi esifaneleko. Lapha-ke umnqopho kuqalelela boke abaphalali abangene eSewula Afrika banganamaphephamvumo kunye nabantu abanganabo abomazisi.

13. Ngitlolisa bunjani nanginganabo ubunzinzolwazi?

Labo abanganandlela yokungena kubunzinzolwazi nofana abanganama-*smartphone* bangatlolisa nge-SMS ngokugandelela u-*134*832* alandelwe yiNomboro kaMazisi efakwe u-# ekugcineni, kanti-ke nayibe awunamazisi, dayila u-*134*832#. Ukutlolisa kungenziwa nangesisetjenziswa i-COVID *WhatsApp* ngokuthumela igama elithi "REGISTER" ku-0600123456. Ukuthumela i-SMS nokutlolisa nge-*WhatsApp*

akubhadeliselwa; akufuneki i-*data* namkha ummoya wokufowuna (i-*airtime*) ukutlolisa ngalendlela.

Nakufumaniseka ukuthi awukghoni ukusebenzisa enye yaleziindlela zokutlolisa, ungaya ezikweni eliqalelela zepilo uyokukhombela abasebenza khona ukuthi bakusize. Abarholi bomphakathi abanengi (abarholi bezekolo, bezepolitiki, bezendabuko nebamabhizinisi) nabo bazinikele ukusiza abantu kobana batlolise ngobunzinzolwazi. Khombela isizo kumakhelwana nofana emuntwini omutjha onamakghonofundwa namathulusi afaneleko malungana nalokhu.

14. Abantu beminyaka yobudala engaphasi kwama-60 bangatlolisa ku-EVDS na?

I-EVDS izazibalela iminyakakho yobudala ngenomboro yakho kamazisi, bese iyakutjela ukuthi usesemncani ukuthi ungajova khona nje. Ihlelo lokujoveli lisebenzisa iminyaka yobudala, hayi amagulo amanye umuntu akhamba nawo ukuhlukanisa ukuthi uzakujova nini. UNGqongqotjhe wezePilo uzakumemezela ngokukhamba kwesikhathi ukuthi omunye umkhakha weminyaka yobudala uzakuvulelwa nini ukuthoma ukutlolisela ukujova.

Irhuhululo litjengise ukuthi iminyaka yobudala ngiyo esitjengiso esinamandla khulu sokulawula ukuthi umuntu uzakugcina asesibhedlela namkha uzakugcina abulewe yi-COVID-19 na, ukudlula amagulo amanye abantu abakhamba nawo. Amagulo amanengi abantu abakhamba nawo avamise ukuba kibo abantu esele bakhulile.

15. Kufuze ngenzeni nangitlolisa ku-EVDS?

Nawutlolisa ku-EVDS kufuze uphathe umazisi namkha iphasipoti yakho nekarada le-*medical aid* (nayibe unalo). Igadango lokuthoma kuzalisa iforomo ledijithali eliphethe imininingwanakho elandelako: Ibizo nesibongo, ilanga lokubelethwa, ubulili, isiphande seposommoya, inomboro kafunjathwako kunye nesiphande salapho usebenza nofana uhlala khona.

Uzakuthola i-SMS efakazela ukuthi utlolisiwe begodu sewuhlangana nabantu abalindele ukunikelwa ilanga, isikhathi nendawo ozakujova kiyo. Nakufika idlhego lakho lokujova, ihlelo le-EVDS lizakuthumela i-SMS enelanga nendawo lapho uzakujova khona. Nayibe awunafunjathwako nofana isiphande seposommoya, ungayokuvakatjhela iziko eliqalelela zepilo yabantu uyokukhombela abasebenza lapho ukuthi bakusize.

16. Kwenzekani-ke ngemininingwana engiyikhupha nge-EVDS?

Imininingwana oyikhupha nawutlolisako izakusiza ekuhleleni, njengoba imininingwana ephuma ehlelweni le-EVDS isiza urhulumende ukuthi akghone ukuphakisa ngemijovo emazikweni wokujo. Ngehlelweni, urhulumende angaqinisekisa ukuthi yanele imijovo emele isetjenziswe ngelanga elithileko lokujova. Imininingwana le isetjenziselwa nokuthintana nawe ngehlelo lokujova nakunesidingo salokho. Ibuthelole lemininingwana yoke le-EVDS ibulungwa endaweni evikelekileko begodu lelihlelo likhambisana nayo yoke imibandela yemithetho yombuso elawula lokhu.